



河西集

四

~ 16
2322
4

共八



2222
8-4

河西先生全集卷之七目錄

七言絕句

和李太守彦枕

絕句

霽後城主送詩及酒因用其韻

和李秀才韻

答仲一

傷足

贈奇明彥大升

贈卞汝潤



寄友人 二首

寄呈駱峯申公 光漢

贈朴君仲敏 思愚

次景范詠元亮韻 二首

謝友 二首

和陳惟善韻

題精忠錄 二首

和祥之韻贈參寥

五詠亭次韻 五首

借金鰲新話於尹禮元



吊三閭

贈張甫 二首

除官日書

和景范韻

贈白大裕

次白雲居士赤城韻

訓子孫

示門人 二首

和尹長源韻

示學者 二首

和長源

無聊有吟

和仁仲

見仁仲稿中夢考亭居止云

仁仲以詩招余和之

病中

贈梁生季明

籠鶴

偶吟

示仲明 二首

贈士重

次一齋韻

宿于龍仁縣館次士秀漾碧亭韻

贈漂海唐人 二首

勸學

誠言酒色

見得思義

題君直策上

題仲警壁上韻

閒居雜詠示景范 三首

詠懷答景范二首

夜寄景范

贈丁季晦燭○三首

石竹花

贈金秀才晦叔

示仲明景范

示景范仲明

祥之呼陰吟心三字

贈張遠甫

次遠甫詩

別長卿

以下一百八十三首別

別柳上舍

贈伯邃

寄仁仲

和西齋諸上舍韻二首

次申翰林所贈韻

士重將入城有詩和其韻

景說呼韻二首

次德茂韻三首

過遂初醉次渭城韻二首

遠期呼韻

贈孟明

獨居無聊得一絕示吉元

次吉元韻

村景

彥沃氏折山茶月季四季黃白諸菊束寄席上

翌朝作詩謝之因又乞月季

秋城東館有梅二樹春且過半尚未破夢恠而

賦詩

有一生致詩索酒和之

次金正郎壁上韻

與原畫梅因有詩

聽林臺笛

卧榻驅蠅

次訥齋韻贈僧

尼山校齋壁有詩和之

詠四季花

畫鷹

與士重同舟三首

次德茂路上韻

四美亭與吉元同賦

宋上舍求和贈言錄中韻

雨中得句

贈吳君

世老○二首

次韻又贈吳君

雪中

至後日

乞鷹粧於薛忠順

四月十二日朝有氣如卿雲

木虎院贈李上舍有貞用景范韻

客來

有僧飲以山醪

聞杜鵑

白正字大裕見訪二首

即事次南西溪韻

蠟梅

贈友

贈義暉上人

假山

寄友人

六藝杯圖 三首

諸生課製於校以新巖為題 二首

溪蓀絡蠟皮甚奇

寄人

遺校齋諸生

贈德茂恭仲別

示景范

得金堤荷房撮髻

謝訓導送酒

別蠓背溪蓀長葉帶之餘送景范

共景范討論書籍夜深而罷

送河文伯會試之行

夢得一句足成

天寶一禪兩師乞詩 二首

雨中

霽後城主送詩及酒因用其韻集句 二首

又依集句韻

至日示景范 二首

夜雪

叔氏致破瓶冰連致煖酒 二首

送洪公信諶之京

在坳塘答人

魚巖雜詠八首

奉呈瀟灑園

次瀟灑園答韻四首

二友堂

題矢筒

和景范三首

贈金伯獻成璧○二首

落梅

和太守贈韻

簡仲悟

無題二首

伯承兄弟以酒來訪三首

和鄭君詩二首

獻納巖太守席上賦二首

蓀盆

贈平叔

記夢

太守致詩及酒復用來韻集句

前詩皆集句而不註其名問其來處奉答以詩
三首

山人大遠將石泉橋亭眉巖諸作求和三首
城主致年

圓宗還智異山以詩送之

和南張甫

次入韻

高君零持酒來訪允言求詩

贈金君四首

謝友

題錦江樓船

贈李希程頌○三首

次虎兒韻

瑞香花

寄赤城會遊人

僧志仁憑盧兄子胄宗求詩寄贈

謝門巖致鯽魚鱠獻親病遂愈

門巖所致銀鯽放活盆中仍感有詠

贈高曝曬景虛

贈卞汝潤

敬應有詩和之

和柳上舍作香奩詩

國藩求大字題一詩

長卿三人字韻

又廣前章之意

雨中即事

和任有

戲贈祥之二首

題高思叔敏居

雙溪齋有接房禮會得一絕以示

往張遠甫家醉吟

有感

孟冬雲住路上作

贈金剛叔成遠

梅峯

寄高峯

次贈諸君

次景范詠漁父韻

病鶴

挽李進士母氏

挽歌

挽金應軫

子彥求挽其婿

挽李适室二首

挽李上舍

挽金祖二首

陳直講為人求挽二首

辛上舍求挽其從兄二首

示門人以下八首增

次李晦韻二首

詠歸來亭

題安判官處順思齋

奉寄瀟灑園

示仲明景范

又次崔上舍鶴齡栗亭韻

河西先生全集卷之七

七言絕句

和李太守彦忱

地僻柴門相識稀
當時壯志遂成非
功名我豈無心者
幸自年來以病歸

絕句

浴罷晴漪風詠歸
煙花三月試春衣
何如紅葉漫山處
時把漁竿下晚磯

霽後城主送詩及酒因用其韻

流頭故事自東都
河朔餘風在酒徒
村釀雨寒猶不

河西先生全集
熟黃昏驚倒露盈壺

和李秀才韻

風顏雨溢轉堪驚
杳漠難推造化情
坐使親知成契闊
賴君今夕報新聲

答仲一

醉中行色轉依稀
韞藉論心計已非
倒載南溪十畝地
只今寥落掩柴扉

傷足

籬根波蕩惜芳叢
顛倒蒼苔竹筵中
頃步却驚忘孝道
出門偏愧戰兢功

贈奇明彥

大升號高峯

亂落明珠醉夢間
聞君又欲向名山
此身早寄煙霞想
青鶴仙蹤病一作尚未攀

贈卞汝潤

不覺春風入小桃
清晨植杖立東臯
尊中有酒堪傳白
紙上無詩可和陶

寄友人

爲報花山金學士
向來環坐說何言
名吾軟熟空嘲誚
自托昏冥巧避論

其二

河西先生全集
經幄論思須爾力中堂遙想壁連雙應呼小吏傳鸚鵡
鵝醉倚南窗晚晚江

寄呈駱峯申公

光漢號企齋

儀禮曾聞戴記經金陵廢後紫陽明駱峯正屬斯文
望胡不乘時請印行

贈朴君仲敏

思愚

庭前晚菊不知愁自向秋風笑未休回首可憐湖海
客半生流落漢江頭

次景范詠元亮韻

秫未登場蘭未披一身藏處未知宜義農去我無回

念世乏鍾期誰與知

其二

半江明月照無私濁足清纓因不宜莫向二閭論醉
醒此身餘外更何知

謝友

收功一室合天一水飲簞蔬樂在貧混迹同塵知者
鮮太平煙月保清真

其二

千年聖路闢將湮養道林居德潤身謾把儒名還自
愧至今猶未免鄉人

和陳惟善詩

夜渡孤月照千山風景蒼茫醉夢間日出紛紛多世事此時懷抱酒應寬

題精忠錄

貫日精忠帝已知浮雲一蔽事難為無人變盡權奸肉萬古長吟志士悲

其二

敵將懷歸我武揚書生生長宋封疆甘心舉國資強虜經籍真成茲允囊

和祥之韻贈參寥

面壁宜參一味禪短策何事要詩篇秋山錦繡明如畫卧想渠行思渺然

五詠亭次韻

溶溶一脉自天開身影低時魚正徊會得虛中涵有意許君親見晦翁來

右水

曾向瀟湘滿岸生何年雨淚灑寒晴更憐分外精神在雪葉風敲月下聲

右竹

春風愁與眾芳同笑倚崢嶸冰雪中不許世人輕物

色莫將容易比諸公

右梅

百年多病興闌殘
卧想東籬滿眼寒
善喻每欽周子說
獨醒長恨楚臣餐

右菊

秋水襟裾月佩環
青荷為蓋絳為冠
超然百卉凋零後
豈止爭強與牧丹

右蓮

借金鰲新話於尹禮元

新話即梅月堂金時習所撰

金鰲居士傳新話
白月寒梅宛在茲
暫借河西措病

自頭風從此快痊之

吊三閭

江潭何處問三閭
跌宕文辭悲歎餘
此日不禁哀淚灑
滄浪歌罷未逢漁

贈張甫

玉色飄香共月明
金聲生夜與風清
惻惻切切文為會
伐木聲中見友情

其二

適值溪山月滿時
吟詩鼎坐俗情微
誰知天道流行處
方寸虛靈不二歧

除官日書

十載沈痾六載憂生全到此亦天休重霑雨露慙非
分感念劬勞淚迸流

和景范韻

有德方能有厥言伊余安敢議根原神丹謾費三年
養奈此刀圭尚未吞

贈白大裕

畏景當天不可行征驂且待夕涼生今來不盡心中
話東閣黃花再結盟

吹白雲居士赤城韻

聞說江邊好事翁白雲題詠揭船中只今爛却沙頭
月夢裏滄波舉眼空

好事翁指仙亭
人楊公休也

訓子孫

須識根枝一氣通幾曾勤苦樹家風進學修身為可
繼百工猶自世箕弓

示門人

萬理昭昭方寸間只要常活不要閒須知寂感中相
貫博約工夫抵孔顏

其二

理本於天欲起形公私交戰汨虛靈從今寤寐知存

河西先生全集
省戒懼無時不喚醒

和尹長源韻

扣門何幸到君家
烏愛薔薇一樹花
雨後輕雲時解
駁綠楊風動鳥飛過

示學者

未學其如太極妙
無聲無臭道由誠
流行二五真精
聚男女成來萬物生

其二

人秀其中稟最靈
形生神發性難停
寂狀主靜須無
欲義正仁中次第形

和長源

從君直欲訪崖濱
人事從教負一春
渺渺東湖何處
是莫言箕穎更無人

無聊有吟

獨卧虛堂百感生
病中懷抱自難平
故園渺渺千山
外何日歸來適我情

和仁仲

河西非是愛吟詩
不耐寥寥獨卧時
詠罷精神渾索
漠方知玩物使人移

見仁仲稿中夢考亭居止云

河西先生全集
平生高挹紫陽風豈料尋居夢寐中須信寸誠通萬
古可知尼父夢周公

仁仲以詩招余和之

慕君馨德藹芝蘭百一相逢朋友間朝夕追隨非不
願自朕拘累尚盤桓

病中

足音久斷一堂虛多病方知故舊踈幾詠停雲回首
望旅情多緒亂蓬如

贈梁生季明

積雪蒼茫歲暮天長松風落酒杯邊悠悠瑞石山頭

路此後相逢未偶朕

籠鶴

靈山胎化鳥中仙舞罷雲松月裏眠誤入塵籠迷去
路一聲時上九重天

偶吟

常恨淵明不遇時經綸大志沒東籬沈疇麴蘖非徒
爾誰識心懷堯舜期

示仲明

學問無他只在心放來收斂豈艱深清明志氣如神
處義理昭昭日月臨

其二

天賦吾身有理存理非空寂亦難言且從日用躬行
上著實循循向本原

贈士重

正是春風浩蕩時昔人言性自仁推從容涵泳方知
樂仁愛皆從孝上施

次一齋韻

百疾纏綿萃一身君臣大義苦靡伸卒狀輕動如難
救反愧山前荷蓍人

宿于龍仁縣館次士重漢碧亭韻

月滿前庭水滿塘一天星斗爛成行醉來不覺霜華
重笑指雲間桂子香

贈漂海唐人

萬里清秋一雨餘天風木葉下郊墟蛩聲半夜思歸
客故國誰傳鴈外書

其二

再哭君喪未死身天涯見爾可憐人殊音只解傳
文字強把詩牋淚滿巾

勸學

不分生困竟歸知聖道雖遐學可追愛合勿忘而勿

助且防怠忽巨孜孜

誠言酒色

理到惟應時後言德將寧有醉中喧賢賢最是存誠
處誨爾諄諄到子孫

見得思義

爰初定命自成形分外區區笑不明直到死生猶勿
變况將毫末利心萌

題君直策上

山斗文章玉珮辭二家機軸世難追逢君數夕相劇
講柳健韓奇各有規

題仲警壁上韻

三竿落日照庭心細緩一作酌螺觴淡復淡境僻園林
聞鳥語眼前花草入長吟

閒居雜詠示景范

四季初看第一花新巖從此儘堪誇苔峯溜壁生形
勢拄杖哦詩日欲斜

其二

萬年松下絕纖苔四季花飛不受埃等是一般清絕
物恠無名品譜從來

其三

鑿石疏流說禹功九州川瀆始相通新巖我亦無他
事順性方知大小同

詠懷答景范

吾東猶幸遇周文萬古箕封又一君臣庶未終蒙至
澤九天何處帝鄉雲

其二

天何容易喪斯文聞說當朝亦 聖君自幸太平無
一事玉川山下望卿雲

夜寄景范

墻頭晚菊新開萼正是河西飲酒時莫問霜秋風雨

惡閒來和却醉翁詩

贈丁季晦

熿號游軒

君從柏府下桑鄉萬里松楸帶寵光惟有伯康同構
處半竿斜日照窻涼

其二

孝友家風夙所欽幸因游宦結同襟南歸幾激君臣
感當日深知張仲心

其三

韋布同承日月光恩榮無問及存亡輸忠補闕君無
負愧我踈荒守一方

石竹花

誰移石竹晚江頭
雨輕紅似帶愁
昨過水雲亭外
路叢叢搖映白沙洲

贈金秀才晦叔

病入溪山過半年
蓼花紅近短簷邊
看君遠抱非流
俗日暮分携奈黯狀

示仲明景范

名山尚未製荷衣
待得男婚女嫁時
賴有一尊聊取
醉閒中日月自遲遲

示景范仲明

汨沒詞章記誦中
身心上面孰全功
須知根本栽培
處華葉枝條實理通

祥之呼陰吟心三字

百尺蒼蒼一壑陰
天風和露送清吟
半酣月午人將
散把酒相看萬里心

贈張遠甫

日暮斜風拂酒盃
梨花飄雪亂成堆
一場肝膽還相
照天雨何欺好月來

次遠甫詩

我豈關心榮辱者
都將窮達付蒼天
只今微月梨花

下君欲歸時我欲眠

別長卿

以下一百八十三首別

旅窻高月當明燈歸思翩翩夢裏增馬首明朝回嶺
路詎諧誰共說莊鵬

別柳上舍

病滯長安客夢頻羨君行色向山園征衫好趁清和
節燕語鶯啼酒滿尊

贈伯遠

昨共三清洞裏杯一更山路醉歸來今朝又作揆秋
計勝事還成造物猜

寄仁仲

病裏悠悠日月侵親朋一字抵千金夢君連夜見石
意奈又迢迢南海濤

和西齋諸上舍韻

何須屑屑歎途窮壯志應橫天地中一笑詩成天獨
齋中庭松柏擁蒼龍

其二

寒齋已見一年窮千里家山在夢中半掩春窻看古
帙長懷擬釣九淵龍

次申翰林所贈韻

翰林即靈川會
于兵營時作

鄭公行履聽聲知况見青蓮錦繡詩一醉扶藜江海
路少年先達兩踟踟

士重將入城有詩和其韻

湖堂門外卽陽關况是天寒風滿山不見青青楊柳
色只堪乘醉渭城還

景說呼韻

漉酒何須用葛巾素衣今已化緇塵一天雲靄春將
雨千里鄉愁隔越秦

其二

路歧多處泣楊朱一世浮沈乍有無醉後忘情天又

晚十分春興滿王都

次德茂韻

多年墨水困麻衣自許屠龍人不知却悔與君相遇
晚終須協力效明時

其二

生逢堯舜尚單衣千萬何人表見知豹隱豈無成彩
日龍蟠會有起雲時

其三

洗出青山霽景新明珠入目愛堪珍還愁昨夜同杯
客其奈明朝異地人

過遂初醉次渭城韻

城市紛紛沒馬塵相逢惟有笑談新
醉來不識天將暮十載溪懷向主人

其二

東城接翠短長松小閣依朕隱暮鐘
萬里長天雲蔽盡故園歸思與君同

遠期呼韻

正月春寒氣尚嚴萌芽之下凍新尖
天風冷殺齋宮畔暖酒何妨四五添

贈孟明

至善油狀塞兩間格來無易亦無難
生生萬化無窮意就得安時事事閒

獨居無聊得一絕示吉元

却掩空堂悄別情黃昏點點伴燈明
夾窻松樹還多事惹起寒濤隱耳鳴

次吉元韻

踈陋多慙聞過情枉將心力負天明
何方脫略塵埃習徹到魚潛與鶴鳴

村景

秋盡園林木葉稀當窻旭日轉晴暉
層巒掩映生新

畫澹澹長空鳥獨飛

彦沃氏折山茶月季四季黃白諸菊束寄席上
翌朝作詩謝之因又乞月季

昨送花枝侈客筵陰風多事阻歡妍最憐月季全風
韻願乞旁條挿眼前

秋城東館有梅二樹春且過半尚未破夢恠而
賦詩

秋城東閣二株梅何事當春獨後開一雨經時啼鳥
碎墻頭紅杏孰初栽

有一生致詩索酒和之

悄悄孤懷莫與收滿江雲雨麥方秋尊中有酒空矣
綠乘興何妨共一甌

次金正郎壁上韻

松間隱映兩三家日照高秋天更多無等山雲生醉
眼又牽詩興入巖阿

興原畫梅因有詩

花信誰論二十風輸將一白壓千紅從知暮月堂
號前老翰墨三生富貴中

聽林臺笛

初日城南草笛聲林臺夙昔未聞名依朕坐我清虛

府苑轉瓊樓彩鳳鳴

卧榻驅蠅

扇撲眩麾一室虛從今免汗枕邊書沿眶集鼻非前日
窻外營營任所如

次訥齋韻贈僧

蒲團一榻坐仍久靜極還嫌俗耳嘈自剪青燈寒夜
永吟詩不覺兩肩高

尼山校齋壁有詩和之

落魄江湖有此行十年奔走笑浮生男兒老大功方
遂不用秋風恨宋邢

詠四季花

淋漓六合風雲濕廓落孤村草木長獨愛墻根花四
季盈盈不減去年香

畫鷹

攫兔追狐縱未曾雲霄九萬勢將凌何年楚澤翻輕
翻一擊鵬雛效爾能

與士重同舟

舟行已隱濟川亭雲日微茫遠水明目送雙鳧依斷
岸隔沙遙指數帆輕

其二

不覺竒巖在此壩泊舟回望水如煙沙汀渺渺風光
暮四面青山際碧天

其三

滄波搖漾巖臺亭白鳥飛來眼忽明直望湖山千里
路恨無長翮插身輕

次德茂路上韻

膠漆相投意轉深峨洋千古托知音自憐陰壑孤寒
質得倚連雲百尺林

四美亭與吉元同賦

醞醪三杯醉興新滄江風起碧濤濤洲中立馬誰家

子飛絮飄飄喜趁人

宋上舍求和贈言錄中韻

佳節依然屬素蘭花枝豈解上儒冠踏青歲歲鄉村
會今日空憐韋帶寬

雨中得句

風送微雲積雨收當軒凝黛數峯抽花驚春晚紅飄
雪竹弄寒聲碧碎秋

贈吳君

世老

細雨絲絲不肯晴芭蕉新長翠綃輕微風吹動繁雲
起野外羣峯特地青

其二

風吹一雨過山城
絲樹前頭麥浪橫
何處啼鶯驚醉客
聲聲入耳摠多情

次韻又贈吳君

向晚新篇落手中
高風遠韻古人同
詩囊倒盡還堪笑
自倚蒲團一榻風

雪中

雪片紛紛被短褐
滿身渾似白羊裘
騎驢暫向橋頭去
人擬寒江獨釣遊

至後日

雪月分明天向曙
梅枝露淚結冰垂
攀條獨立無人見
一望寒空自詠詩

乞鷹糝於薛忠順

高堂密席醉扶歸
夕露霏霏沾我衣
病父愛鷹真有癖
願分華飾慰庭闈

四月十二日朝有氣如卿雲

月入乾陽十二寅
卿雲擁日靄青冥
九天已作治平象
日月光華荷聖靈

木虎院贈李上舍有貞用景范韻

山色偏從雨後多
適狀相值酒為家
嵩高直北三千

里一醉分携眼欲花

客來

客來開榻與臨風
病裏閒愁一望空
山鳥似曾相識面
雙雙庭樹語玲瓏

有僧飲以山醪

蛙聲經雨轉紛如
雲散長空桂影疎
星斗闌千山入夜
數觥春酒間新蔬

聞杜鵑

夜滾無月對殘燈
故事還堪說與僧
何處蜀魂聲入耳
蒼茫夢落故山層

白正字大裕見訪

翠竹江村映白沙
故人來到故人家
相逢痛飲東城酒
一醉忘情字畫斜

其二

落葉西風正字過
黃花袖蓋夕陽斜
龍鍾未赴金華召
獨卧茅簷醉作家

即事次南西溪韻

江村勝事此無多
百里洋洋絃誦歌
溪老一心文會客
好風輕拂麴塵波

蠟梅

阿誰裁蠟上花枝迥立青山綠水涯
踈影暗香仍正色好看冰雪月明時

贈友

一病歸來罷折腰詩囊空富酒難饒
長風破浪知何日與子雲帆去路遙

贈義暉上人

風雪來尋歲暮天分渠已是數年前
蒼顏白髮餘生在罪苦誰期更話緣

假山

手聚枯槎疊作山苔尖髣髴翠煙鬢
呀呀嵌竇開生

面一任龍鍾相對閒

寄友人

春霧籠山宿雨餘林巒隱映畫圖如
蕭肱自有堪相對直幹爭高倚碧虛

六藝杯圖

誰圖六藝爲開先橫豎看來總自肱
最喜禮書從約數中間射御樂無偏

其二

此戲還爲君子爭周旋揖讓適人情
從知射九偏多屬不怨求身便見誠

其三

酬酢多端孰後先
盈虛損益有當
朕隨時斟酌優游
處不向流連一路偏

諸生課製於校以新巖為題

舍北新巖亦自奇
夏來潢潦注清涯
散崖花木能成
列長伴閒翁引酒卮

其二

摹寫新巖各出奇
居朕坐我武夷涯
絃歌不是當時
事獨有年來養病卮

諸詩或及聲樂之事者故云

溪蓀絡蠟皮甚奇

蟻山黏海蠱嗟峨
浪蝕風磨剝老窠
偶托異根垂萬
葉流芳絕勝島夷螺

寄人

山雨蕭疎秋氣冷
竹林寒咽晚蟬聲
邇來百病緣無
酒願向尊前乞一甞

遺校齋諸生

賴得諸君刮病眸
忽驚歸袂散新秋
槐黃已迫詞林
戰奏凱應須掃萬矛

贈德茂恭仲別

病卧林中百感生
相看遽別不勝情
晚山雨後偏多

態况復秋蟬一兩聲

示景范

山翁起洗菖蒲葉喜聽東床笑語聲頃刻煩痾一
散恨無醴醪置千罌

得金堤荷房撮髻

著得荷房亦可觀何須岌岌好高冠菲菲未沫存瓊
佩莫向秋風歎鬢潘

謝訓導送酒

清秋露滴滿冰壺知却君憐屋上烏卧病所須唯此
物幾回魂夢向庭梧

別蟻言溪蓀長葉帶之餘送景范

採得溪蓀帶病腰荷冠賴此得相饒分歸一束同心
子不耐秋天入望遙

共景范討論書籍夜浚而罷

吟詩不暇細論文把酒時時喜有君不是相如空病
渴還憐楊意識凌雲

送河文伯會試之行

雲散長空桂影孤泠泠玉露滴菖蒲相逢杯酒兼賢
聖此去君開萬里途

夢得一句足成

世間如意無多事白髮欺人故故生夢見南江種樹
子素屏淇竹盡情清

天寶一禪兩師乞詩

楓岳應逢綠髮翁飄然孤鶴御冷風前身我亦清都
客為報如今寄此中寶僧將往楓岳

其二

病卧秋風午夢回一禪來處兩禪來相逢且問溪山
語不用區區卷軸開

雨中

雲漲東南作一山半窻秋雨響潺潺墻頭露重黃華

菊自酌青樽獨掩關

霽後城主送詩及酒因用其韻集句

滯雨通宵又徹明薛逢幾家門靜岸痕平張苑飄然更
待乘桴伴王半山水面無塵晚忽清姚合

其二

午時起坐自天明杜崔評事門前小灘渾欲平春水
窮巷悄狀車馬絕題鄭十八著作文投壺散帙有餘清陽城

新樓

又依集句韻

十二峯前海月明晦庵悟長江肯趁曲池平滕王閣

鷄叫罷無人見

武夷棹歌

靜對琴書百慮清

崇壽客舍

至日示景范

鷄鳴當日謾蒼黃
錯認蠅聲與月光
爭似閒窗呼六白
不將鴻鵠鬧心腸

其二

倫觴秋局兩亡羊
分寸光陰未要忙
儀狄踈來淳俗遠
牧豬譏後盡遺忘

夜雪

梅梢點綴開生面
殘氣偏蒙潤色之
疊玉蕭蕭淇上質
徂徠半作皓鬚眉

叔氏致破瓶冰連致煖酒

眼明何處玉壺冰
照我心肝徹底澄
若使滿瓶春色在
未應陰氣遽堅凝

其二

春光不覺照壺冰
潑甕蒲萄尚未澄
珍重主人誠意切
和風到處失寒凝

送洪公信諶之京

萬里長程惜別離
一尊傾盡奈醅醑
風寒葦嶺君今去
坐對蒼松勸滿卮

在坳塘答人

列石通泉兮水多游魚一隊弄寒波病夫自有園中
趣剝啄真驚使者過

魚巖雜詠

落盡桃花源上雨青山匹馬來何暮方巖新出為吾
儕弄景游鱗成隊伍

其二

昨聞海上多風雨網脫驚波西浦暮漁人袖手歸無
處有似敗軍愁失伍

其三

魚巖巖下魚爭畏鮎巖巖上人思梅思梅不見正愁

曠括梁甥仲明韻蓋梁誤
以堆為懷故改其末句

絕明仲獨立溪山雲萬堆

其四

與仲明聯句

杖入青山綠水隈厚尋香却是故園梅仲移根默對
軒窗際厚萬事何曾攪醉懷明

其五

黃冠荷製倚巖隈正色真傾處士梅踈影暗香人不
識乃翁先獲病翁懷瀟灑主人曾移蠟梅
以為庭實云故云

其六

次仲明韻

行行路出碧溪頭龍馬仙尊往迹悠入手魚蝦人不
見但看眠草卧黃牛

其七

絲水蒼崖歲月多磨肌刻骨任風波濱河不作山翁
泛感震寧騰釣客槎

得楞槎於磯頭甚奇古

其八

自愛溪山一癖深耽來不覺病相尋只今腰脚冷如
鐵卧待調平訪石林

奉呈瀟灑園

園亭秋色漸應佳粧點清溪錦繡崖病隔崇朝常自
恨悠悠何日話心懷

次瀟灑園答韻

落盡秋風菊正佳金英何許散松崖驚寒激熱妨勞
動悵望徒關病裏懷

其二

東園氣象十分佳幾伴巢禽傍絕崖病我獨專沈疾
久眼看搖落漫興懷

其三

嫩香開處句添佳想見盈林耀海崖綠葉帶新憐不
劈恐驚仙客討閒懷

瀟灑園送帶葉柚子故云

其四

農事今年苦不佳糞田耕急北山崖大人行止從遲

暮煩却東園跂望懷

二友堂

千竿脩竹鳳將來萬朵紅蓮月欲回歲晚好爲松菊
伴橘中杯勺慎輕開

題矢筒

春滿山郊醉杜鵑挂弓掀箭更鳴鞭一壺酒盡青天
暮好鳥閒歌匹馬前

和景范

春到花階鳥欲喧雪消窻淨土床溫尊前直待青山
暮詠罷君詩可拜言

其二

往者難追來者知向來顛倒亦徒爲江湖聲價非吾
事還笑吾君向我疑

其三

四首吟來意豁然非如憔悴病中篇從今脫略生新
意二臘頭風覺已痊

贈金伯獻

成璧

送客尊空奈爾何離場草草恨彌多雲容吞吐雨初
歇匹馬長程江水波

其二

河西先生集
簷蔔山茶滿眼紅千竿脩竹舞東風夫君自有村居
興一任壺觴與客同

落梅

晨風暮雨雪飄園寂寂香銷未返魂佇立驚呼留不
得萬山孤月又黃昏

和太守贈韻

滿眼明珠箇箇圓同舟何意飲中仙橫斜竹外梅花
影不耐孤吟月上天

簡仲悟

終朝采菊欲盈襜之子何晨得再簷更覺風霜侵病

骨白衣無客問陶潛

無題

放榜天門第一人日邊飛蓋政搖春懸知彩氣騰丹
闕他日巖廊贊化勻

其二

金鑾殿上案前人滿袖天香紫掖春榮悴到頭皆足
樂隔林風韻奏韶勻

伯承兄弟以酒來訪

春到沙盆長石苔居狀又負一年梅無端適值身添
病不盡情朋訪我杯

病來柴戶任蒼苔卧看山園再度梅不有故人來問
我將誰共舉破愁杯

其二

龍鍾久廢坐莓苔墻外今驚戀樹梅一點不宜虛送
了殘尊何惜倒深杯

其三

三年一病死爲濱不覺湖山二度春却謝阮生疏禮
法儘教夫子獨全真

其二

清江搖蕩望迷濱白日分明次第春俯仰已驚雙鬢
變人間無似醉中真

獻納巖太守席上賦

獻納巖邊日欲斜菜花開處間青莎夭桃淡竹相交
映一澗真成玉佩磨

其二

巖高萬古玉溪流獻納何年到此休一汗塵名留世
上只今應自恨包羞

蓀盆

沈香翠黛配蛟蓀別有他叢恠石盆苔碧沙明菱葉

淨游魚唼喋並葦根

贈平叔

君來不厭病夫狂語別慙非錦繡腸
蟾背芳蕪曾識面暮煙詩思更微茫

記夢

飄然獨步上高原
使得頽垣樹穴根
雨落舊袍渾不濕
問人何處祭玄元

太守致詩及酒復用來韻集句

苦雨終風也解晴
細腰宮畔暮灘平
一盃飯罷無餘事
酒滿螺杯月正明

前詩皆集句而不註其名問其來處奉答以詩
香山秋笛海澄清
病卧江村夢裏聲
恠石眼前全勝畫
紙窻雲月復新晴

其二

樓下長江百丈清
赤城霞影蘸江明
蓀橈擬榜華山外
喚起黃巖二姓平

其三

玉壺傾瀉露華明
磊落心曾取次平
一舉連觴還耳熱
翻思萬壑十分清

山人大遠將石川
橘亭眉巖諸作求和

河西先生集
脩竹千竿席作門
候狀尋訪有何聞
病來藥裹關心
久詩廢無緣副爾勤

其二

醉睡歸來接兩鄉
逢人盡道四明狂
新秋禾黍將登
釀擬喚山翁問葛疆

其三

我在人村汝在山
纔逢忽別悵盤桓
何當共步層雲
上空半星辰舉手攀

城主致牟

片片黃雲未有秋
疲氓真拙服田疇
淮前十釜驚非

望玉露思先野
饒謀

圓宗還智異山以詩送之

秋風三度此來過
在在尋吾病懶何
竹杖芒鞋從此
始洞天青鶴訪巖阿

和南張甫

雨絲何似鬢邊絲
正是春風泛濫時
帶酒忽狀佳客
至陶陶一夕慰相思

次人韻

坐誦清詩到百回
處君無語和江梅
城南一夜西風
急好見雲收月滿杯

高君雲持酒來訪允言求詩

寒齋勤苦了三冬，痛毒經年一夕同。昨夜山村霜月白，悲歡交我寸心中。

贈金君

短笛聲中似有愁，湧珍山下思悠悠。一樽綠酒相逢處，休說新遊與舊遊。

其二

醉裏真銷萬古愁，君歸我住奈悠悠。日暄雀噪分携處，病子難成瀾漫遊。

其三

南北那期會兩金，十年顏面舊情深。已為晚塔歸時色，非復前時跌踢襟。

其四

一帶清溪明客眼，半輪佳月到天心。肉肉未盡三番話，屈指從初綠滿林。

謝友

多謝夫君數往來，仍將壺酒盡情開。雪風吹動山窻外，病裏扶持只此杯。

題錦江樓船

湖海知名三十春，幾番來往此江津。畫舫醉載妖姬

去落日清波真可人

贈李希程頤

醉來還作醉中詩不省樓前上馬時十里溪山如夢裏一場佳會古無之

其二

入手清晨兩首詩吟來如對聳肩時從今苦說風流事誰是當年杜牧之

其三

脫帽相吟伐木詩淹留不覺日斜時黃昏更別濂溪友醉裏狂言潤色之

次虎兒韻

阮生何事哭途窮自有生涯任上穹萬事不求溫飽外半輪孤月印窗東

瑞香花

瑞香來我失栽培葉皺枝拳轉可哀護養豈知天有助一年春色忽重回

寄赤城會遊人

宿雨收來霽景新赤城佳會幾多人山明水麗橫蘭槳踈望容刀恨病身

僧志仁憑盧兄子胄宗求詩寄贈

畏景流金病掩門何從剝啄有山髡天涯喜得連枝
信早晚重尋竹下村

謝門巖致鯽魚膾獻親病遂愈

撥刺銀鱗割鮮親盤一進病仍痊至今禮闕趨門
謝雨水淋漓益悵狀

門巖所致銀鯽放活盆中仍感有詠

一雙銀鯽免薑橙游泳盆心亦再生不獨病親離宿
疴好看魚水並流行

贈高曝曬景虛

曝史風流花富貴散人行色月蒼茫湖南幾處看蓮

葉太乙他年值酒狂

贈卞汝潤

一簪華髮岸綸巾百里東風送故人草綠花紅溪水
碧點狂應發嶺頭春

敬應有詩和之

遊子江南歸不歸空教魂夢遠依依好風微雨東窻
畔同是當年一布衣

和柳上舍作香奩詩

冰雪崢嶸嶺海間倚牆惟有一枝寒遊人縱襲清香
去斜影還須夢裏看

國藩求大字題一詩

一隻青鸞月裏鳴九天玄鶴露邊驚鸞飛不顧孤棲
鶴未伴雲松結好盟

長卿三人字韻

士之窮通天耶人但盡在己寧責人修其天爵從人
爵由義居仁問古人

又廣前章之意

人不知人所以人人不能人豈是人人人若會為人
道聖人愚人非異人

雨中即事

一雨新催樹上花春光次第向繁華鷄鳴鳥喚柳
弱山靄和煙漲萬家

和任有

門外輕風拂柳條園中花片雪初飄半窻徑醉聞啼
鳥勝友相逢日可消

戲贈祥之

杯深須識意同深不飲深盃且飲心卧却一壺人未
卧爭看醉墨落瓊吟

其二

情深不覺酒盃深酒共君心入我心宿醉未醒還日

醉困來忘却和君吟

題高思叔敏居

寒梅照雪暗香浮好月盈軒白露秋春鳥幾驚花下
醉涼風永夏未曾休

雙溪齋有接房禮會得一絕以示

紅綠嬌春澗壑凌踏青高會總冠衿旅窻寥落輕寒
逼獨望天涯思舊林

往張遠甫家醉吟

細雨斜風奈此何一筵相對酒如河無端好鳥驚詩
思綠樹庭前此足多

有感

憶曾湖海數年前夢裏儀刑尚宛然只言歸志方能
宿一語于今在耳邊

孟冬雲住路上作

機巖馱醉已三年依舊蒼崖綠水邊勸酒當時人不
見至今情話尚琅然

贈金剛叔成遠

雪虐風饕特地寒相逢此日別離難諸君且作床頭
話莫向東原歎路漫

梅峯以梅槎為假山

河西先生全集
梅兄風骨本超塵枯槁猶難得此真鐵石肝腸巖壑
面不煩冰雪露精神

寄高峯

相逢每未盡情談別後悠悠目送南且况月明霜露
夜度更無寐思何堪

次贈諸君

桃李摧殘風雨春黃花綠葉草紛繽相逢却喜同心
子一室嘻嘻坐竟辰

次景范詠漁父韻

青山綠水我何私柳月荷風與子宜移艇好隨紅蓼

岸機心靜處白鷗知因趙詩
櫟枯

病鶴

山畔哀鳴知者誰還堪垂翅倚枯枝回看天際雲猶
迫萬里歸心空自持

挽李進士母氏

人生有壽最爲珍浮世誰能七十春况是送終儀物
備萬年玄宅可安身

挽歌失其名

鳧趨北闕天恩重坐鎮南陲蜃氣收富貴奄隨長筭
盡功名優遂壯圖休

挽金應軫

身世詩書志立揚龍泉牛斗射寒芒百年親舊凋零
盡獨對秋風暗斷腸

子彥求挽其婿

驄馬當年整紀綱數城條理股肱良只今世事隨長
夜慘送孤旌到北邙

挽李适室

當時結髮共青春牛女何期參與辰惆悵百年經苦
樂只今還是夢中身

其二

鶴髮偏親襁褓兒春風三十落花飛空餘壁上青鸞
鏡不減從前明月輝

挽李上舍

臨流不覺淚霑巾惆悵空亭欲斷魂逕草庭花自無
主一春消息又黃昏

挽金祖

破屋三間不蔽風鰥居幾歲嘆孤窮誰知緇褐能終
養負土荒山合舊封

其二

蓬轉浮生不自由吉凶人事未能修如今又向天涯

去阻却山前拂拂謳

陳直講為人求挽

早事詩書擬立揚龍門一蹴可騰驤霜蹄未騁身先
死冤恨應隨天地長

其二

孤負螢窗卅八年高堂鶴髮兩潛狀呱呱弱子終何
怙明月閨闈亦可憐

辛上舍求挽其從兄

早歲屠龍業未成晚年司馬病還嬰沈綿枕席終難
愈紫氣應隨北斗橫

其二

窻螢榻雪幾星霜身世蹉跎鬢已蒼蓮榜高名何足
幸丹旌空襲泮芹香

示門人

以下八首增

天地中間有二人仲尼元氣紫陽真潛心勿向他歧
感慰此摧頽一病身

次季晦韻

天涯如見鷄龍面病落金鰲竹外苔聞道春風吹百
卉年年喜此一番來

巨濟有
龍山

其二

龜庵相見是何年
隻字能爲道者傳
欲寄新詩無好語
病中相贈愧諸篇

咏歸來亭

神名末舟

面面青山入望奇
剛泉一帶向東馳
脩篁老樹亭臺古
好鳥閒飛日月遲

題安判官

處順

思齊堂

屋上依巖數點山
百年精爽幾時還
須知孝友平生事
不但漁樵相對閒

奉寄瀟灑園

一夏歸來未覺炎
新秋酷熱劇炮燄
病身添被諸蟲

鬻書夜宵癩百慮兼

示仲明景范

大學篇初十六言
工夫半世未逢原
諸君剩有聰明在
經史詩文互吐吞

又次崔上舍

鶴齡

栗亭韻

前喪罪疚難瞻墓
後服貧寒只望墳
好水佳山廬宇在
况今誠孝達吾君

河西先生全集卷之七

河西先生全集卷之八目錄

五言律詩

正月朔日書

曹上舍善卿叔以詩示同泮和之

崔君雄之還關西求贈別

瀟灑亭卽事

江湖契會圖

次宋相公韻奉別

盆菊

見政目

河西先生集
贈柳隣卿

有感 二首

贈春之

和礪城尉觀頤堂韻

大殷延祥詩

大殷端午帖

中宮殿端午帖

示金應霖

望雲亭

見梅花有作

和精仲仲善大秀韻

吟示景范仲明

送成彥昭 子沆歸覲

寄題尹坦之海亭

贈卞汝潤

夢中作

子膺將向揚州求詩

客中送別

上剛泉作

秋曉作

金鎮安水閣

尹上舍蓮亭韻

送士遂關西之行

伯遠求題江亭

寡悔求詩

贈太述別

送昌瑞

徐可久說與太宰唱和於朴淵事因又求步其

韻

龍仁館板上韻別景遠

贈別

別子膺

送周士安

怡

孟明示以寡悔別章余亦為贈

傷田家

三首

贈孟明寡悔吉元三君子

次景游韻

次石川韻

二首

題直卿居

送景范之白川

在山寺寄太容兄 二首

宿葛院成彥直 子清 諸公請余為詩

登吹臺

金上舍若晦閒亭韻

朴上舍為一律索和

十月雷

題人家亭子 二首

客中贈人

吟示諸君 二首

釋真日作

奉贈金子浩 澄 卞汝潤

謝柳而發 植 送酒器花盆

次慶老韻 二首

薛上舍 弘允 亭子韻

贈景任

自誠 二首

次盆城金慶老韻

寄洛中

題朴大句 漑 清香堂 二首

病中作

憶新齋問酒和杜陵韻示景范

晦日李秀才來問小學

用張甫韻送虎兒

上歸來亭開酌

和企齋相公 孝陵挽韻

孝陵在東宮時於 大殿誕日有 御製律詩謹

拜和之

戊申春寓居鮎巖移臘梅一根於庭隅欲枯夏

蘇春暮始開戲之

和子遂

寄贈金尚州李珍 彦琚

憇延德院古柳下

和靈川風樹堂韻

次退溪韻 二首

贈風詠亭主人

贈李廣文

次閒亭韻

梅月亭

贈子膺

謝申彦沃贈燕京酒器

次申 瀆軸中韻

奉贈門巖 二首

贈金載清 翼

次永慕堂韻

贈重遠兼示茂叔

別送容季

環碧堂

送慶老

瀟灑亭韻

題瀟灑翁與子書後以示梁錫

見寡悔書

與叔道夜話

贈伯鎮之子

寄金溝校長

奉贈奇德優大有

至日贈別仲明還覲

奉呈瀟灑園

挽慕齋金先生 安國 ○ 三首

挽養真翁 河萬里

挽遠期郎中 三首

挽金典翰

紀〇二首

挽安判官

二首

挽門巖

三首

瀟灑園主人挽

挽竒上舍

進〇二首

車先生

希胤挽

挽孫三宰

仲暉

挽錦陽君吳

謙夫人安氏

河西先生全集卷之八

五言律詩

正月朔日書

天地三陽泰乾坤四德元鷄鳴服舜善

服一作鳥

日出誦

堯言物物分條理生生自本根文王昭在上一國仰

鴻恩

曹上舍善卿

淑以詩示同泮和之

中酒宵方永吟詩思轉新真逢兒醜去好見士林伸

政是熙熙日誰為蹇蹇臣朝陽鳴彩鳳與子共明春

崔君雄之還關西求贈別

自擬三冬共如何忽見分酸寒泮水雪佳麗
歸意鷹翻離情鴈叫羣關西諸友在傳問更憑君

瀟灑亭卽事戊戌

竹外風清耳溪邊月照心
酒熟乘微醉詩成費短吟
數聲聞半夜啼血有山禽

江湖契會圖

極目平湖濶游觀樂事多
清懷相映照好景更森羅
桂棹橫遙浦蘋洲帶晚沙
提携忘日暮興入採菱歌

次宋相公韻奉別

危欄枕碧水捧袂值良時
晚鷺流景屏營寫短詩

江湖難浪迹歧路此分離
賴有吳洲月猶寬別後思

盆菊

以新來入講院與魯大春延齡及師魯同賦

十月清霜重芳叢不耐寒
枝條將萎絕花葉半凋殘
北闕承朝露東籬謝夕餐
貞根期永固歲歲玉闌干

見政目

病怯春寒早非關出處難
雙親猶望幸鄉長亦催鞍
判尹守良云在外則養親難強起愁添疾
低徊恐未安端居生萬

念何計始爲完

贈柳隣卿

爲問城頭路君開松下扉
春光春澹蕩山氣暮依依

坐見行雲度時看倦鳥飛故園思轉苦要與子同歸
有感

秋月寒江水千年列聖心欽明始自昔精一到如今
靜室晨開卷寒牀夜擁衾雙親臨夢想起坐愍餘忱

其二

聖賢千萬語一一要存心爲己惟追古趨私且絕今
須穿幻安榻不愧季通衾上帝常臨女明明諒克忱
贈春之

落魄論心地忘情酒一杯秋懷故颯爽客興漫徘徊
城角雲全斂墻頭菊半開故山千里遠何日始言迴

和礪城尉觀頤堂韻

曾相傾蓋久業已定前言我未專山靜君能脫俗喧
何年持白髮一笑對青尊獨立江村暮孤懷誰與論
大殿延祥詩

陽候乾坤泰春心動植咸天工方繼善聖學久超凡
不用桃懸梗何須藍畫衫羣邪元自息朝著滿冰銜
大殿端午帖

葵賓初應律萱葉五生辰玉學香蒲汎金盤角黍新
薰風生殿閣薄暑入城闈壠上脩脩麥將秋壽我民
中宮殿端午帖

天中回令節椒殿五雲高配德涵生育同仁及羽毛
四方承覆燾一國入臯牢絺綌身先儉官衣把剪刀

示金應霖

嫩日消殘雪新春屬上元蠶蠶憐客况杯酒亦君
恩十載南山豹何時北海鯤君民堯舜志與子可堪
論

望雲亭

遇雨投高榻歸雲日暮時名亭主人意懷土客心知
白髮違鄉縣斑衣入夢思無情動有性片片意俱馳
未句一作西
望意相隨

見梅花有作

南中冰雪面洛北始相知風土非前日容華獨後時
天桃猜皎潔苦竹許襟期對爾還相笑清香入酒卮
和精仲仲善大秀韻

坐失寒梅信行看翠柳新遠方長作客佳節倍思親
苦句猶時寫殘盃漫日陳男兒千古志會自一番伸
吟示景范仲明

儒家事業在歷世謾滔滔記誦徒爲爾文章紙自勞
誰能指聖域鮮克舉輜毛所貴非良貴千差自一毫
送成彥昭子沆歸觀

河內先生全集
昔年看總角今日十經霜歲月吾行久山河子路長
餘春桃映樹初暑麥翻芒去去晨昏近離懷更渺茫

寄題尹坦之海亭

林間十載病奈此遠朋親壓海聞開檻乘桴欲問津
滄波杳難極白髮一何新卧想鯨鵬戲溪山亦可人

蘇齋云此詩冲澹含蓄非今人萬一跋及

贈卞汝潤

春寒夜坐久客意問何如綠酒心腸憤紅塵事業踈
冰霜添鬢髮雪月照襟裾仁德山川裏相將一笑居

汝潤欲居仁川德山之間云爾

夢中作

熟精經籍理萬物備吾身閱史甚看手觀書網集鱗
先教心地正方可語言新世學多顛倒其如枉費神

子膺將向揚州求詩

病後相思切今來就共衾分携萬里路晤語百年心
白露臨佳節黃花憶舊林揚州君且去既返要重尋

客中送別

冷雨終朝下黃花尚未凋客情元索漠離恨更蕭條
阻却論心席吟將惜別謠相期在早晚南北路迢迢

上剛泉作

日午尋雲壑蒼茫歲暮時溪山猶舊識冰雪似前期
馬蹠銀杯亂巖懸石乳垂何堪孟學士詩興皺雙眉

秋曉作

夜靜星芒動秋淡露氣高輕寒生枕席倦夢落江皋
未泛重陽菊誰題九日餒孤懷愁不寐奈復曉雞號

金鎮安水閣

客來烟雨裏池閣納微涼魚戲肯吹浪荷殘尚帶香
竹枝承露重蟬響引風長瀾漫盈觴酒狂吟入醉鄉

尹上舍蓮亭韻

簷連堤曲柳楹襯水中蓮淨出淪漣外香生枕簟前

泠泠承月露浩浩漾雲天剩得園池勝栖遲意豁然

送士遂關西之行

四郎遊海地二子采薇墟路歷王公郭邦連箕子居
秋淡沙渚遠城古樹陰疎萬里君行晚霜風動別裾

伯遠求題江亭

野濶青低嶂江空碧漾天浮金烏始翥流玉兔方眠
牧笛晴虹外漁歌彩鷁邊主人機事少汀草綠如煙

寡悔求詩

問却中原境江山似昔昔高門臨積水異石發孤姿
颯爽靈仙跡清新碩士詩彈琴臺上月後日可相期

贈太述別

別席都城酒歸心嶺路雲看君挺鶴骨愧我混鷄羣
夜久寒威緊杯淡醉面醺逡巡莫遽起坐待月紛紛

送昌瑞

霰雪臨初霽靈觴屬遠離醉酣生別恨吟苦得新詩
漢水寒波漾車關匹馬遲明春攀桂去斗酒可相嬉
徐可久說與太宰唱和於朴淵事因又求步其

韻

聞說千峯裡攀危一逕開龍移空碧湫石老長新苔
過客投餘迹幽人付一吟他年穿蠟屐猿鳥莫相猜

龍仁館板上韻別景遠

邂逅山城暮從容尊俎中雲陰淡妬月燈焰易驚風
夜色迷詩興溪流聒醉翁那堪又分袂明日各西東

贈別

存心千古遠遊宦一官微落日當離席初寒入客衣
醉聆明月曲吟望白雲飛忽憶東城飲黃昏借馬歸

別子膺

策馬溪山路茲行為訪君病來難穩敘別去更何云
拂袂分寒日將懷向斷雲玉川非百里唯願屢相聞

送周士安

傾蓋情還舊相知在片言芳隣欣乍托別袂惜將翻
路入千山轉行隨五馬奔因風頻寄語刮我十年昏

孟明示以寡悔別章余亦為贈

南北分携地非關惜別情寧為黃鵠舉肯學白鷗輕
落落四方志悠悠千里行登臨多自擊益自助高明

傷田家

綠浪初經旱黃雲尚趁秋莖微難用鉅實小豈盈篝
草草看民事悠悠抱國憂無能慙獨飽永夕倚南樓

右刈麥

麥隴收殘實西疇復記犁猶欣下種徧更佇立苗齊

誰解心腸苦應知筋力迷歸來天不雨空自望雲霓

右種豆

稂莠早猶蕃田家苦未言地乾鋤不入日暎穀難存
撫萎方憐葉培枯更護根充飢非所望切勿負田園

右耘苗

贈孟明寡悔吉元三君子

水濶經新雨山明轉夕陽風威全息浪雲物政涵光
近岸亭誰築中流鳥自翔回舟乘暝色去去上蒼茫

次景游韻

漆水亭前好樓頭嶺月明春風吹在春草滿生生

堯舜三千載冰壺一段清悠然隨處樂天地共流名

次石川韻

靜夜燈初耿寒床酒未闌鄉心湖海外詩興雪風間
肝膽專相照塵囂敢爾干二夏山吐月坐久不知還

其二

不怕風霜苦偏驚歲月闌詩成吟雪裡酒漉把松間
亂酌知如許新篇見若干山村聞犬吠醉擬故園還

題直卿居

昨夜茅簷下庭槐月影踈板扉當雪逕柴落俯冰渠
城市雖非遠樓遲自有餘今來迴想處幽興轉蕭如

送景范之白川

疾驛聯黃海風烟接素秋斜陽投旅店曉月戒征騶
好去經清洛相逢問舊遊歸來在何許花外酒堪籌

在山寺寄太容兄

草庵蕭索地來度兩朝昏却馬攀危磴呼僧闔短門
籬疎惟鳥噪井淺半泥渾指點前山雪東風尚未溫

其二

老衲簷前拜當窻設草茵山高少見日谷邃晚知春
畫佛依寒壁緇童爨曉薪出門聞獵客何處走驚麇

宿葛院成彥直子清諸公請余爲詩

葛院秋月夜飲酒并泉邊風露涼如許星河粲亦狀
湖南共萬里漢北各孤眠萍水誰先約相逢是好緣

登吹臺

梁王歌舞地此日客登臨慷慨凌雲趣悲涼吊古心
長風生遠野白日隱遙岑當代繁華事茫茫何處尋

金上舍若晦間亭韻

亭在詩山

飛泉來百道平地為奔川噴雨灑塔下回風舞檻前
淡烟疎柳際青草白沙邊嘯傲無餘事回看月上天

朴上舍為一律索和

無端動別袖歸思入南天離恨緣堦草清詩出水蓮

悠悠寒盡夜悄悄景凋年自伴青燈話殷勤對一筵

十月雷

病怯中宵雨心驚十月雷怒霆兼電燁亂雹與風霾
迅勢停還奮寒聲久更逐鳴鷄催曉色朝旭慰煩懷

題人家亭子

聞說亭成久偏侵病拙何江山圖畫裡臺閣水雲涯
酒熟傾同社棊閒爛幾柯主人知不俗花竹似仙家

其二

削立連雲碧銀河倒瀉來飛空千古雨振壑四時雷
巖島愁全碎丘山恐盡摧崩奔雄氣勢合着謫仙才

客中贈人

異節江山變他鄉面目踈杯傳桑落酒案識武昌魚
城市猶留戀林泉未卜居松風吹暮雨笑對一牕虛
吟示諸君

明德止於止新民亦一般知真理有定心靜處常安
慮審幾微際誠通天地間周文與衛武何故不能讓
其二

之純文止止有斐武如如恂慄威儀上親賢樂利餘
工夫由屋漏治化始關雎欲造精微處無輕大學書
釋奠日作

文宣大享日裸獻自天王道統義軒遠波流世代長
儒冠趨濟濟神在格洋洋改服消庭宇傾心到夕陽
奉贈金子浩澄下汝潤

梅花今且發奈此惠然來病質知誰訪溪懷得子開
存心尚未孰信口或能該潤也吾相許工夫人大哉
謝柳而發植送酒器花盆

酒器關心久花盆發興新居然知意尚政爾見情親
影落江南月光搖湖外春看花仍酌酒天地一閒人
次慶老韻

萬水千山外何期遇克齋雖成一夜話未盡百端懷

卧我烟林下送君雲海涯逢人如有問消息報爲佳
其二

十載沉痾客烏蟾管送迎春朝憐鳥喚秋夜任蟲鳴
一笑簷花落長吟鬢雪生君歸漢水上脉脉寄深情

薛上舍弘九亭子韻

李叟山林相傳家有女孫優游君得地樹竹自成村
問却桑麻長何嘗車馬喧安能致病質芳草對閒門

贈景任

與子何年別相逢問一生金陵當賊路海國幾全城
白日江湖色青尊故舊情西風木葉下誰使我身輕

自誠

吾生受氣薄寒暑不堪當晚識保身術應加治病方
精神毋妄費思慮要安詳食飲與聲色看來亦審量

其二

蕭然坐一室學靜以安軀有唱時從和無機孰可拘
詩書堪着眼榮辱兩忘途有會乘春服風乎學舞雩

次益城金慶老韻

斷斷益城子憧憧喜送迎相將無盡意故作不平鳴
有友皆分散無書問死生相逢會礮話回首動悲情

寄洛中

君居九天上我卧萬山中一疾何年快千村累歲窮
經綸須勿替衰謝學無功為請平生藥能因趙子通

題朴大白漸清香堂

謾揭清香號誅茅寄此中寒姿供雪月秀色領春風
青雀黃龍軸紺瞳綠髮翁武陵何處是波上倘流紅

其二

古語今知實逢君勝讀書儀容松偃蹇襟抱水空虛
豈意前秋別相看一歲餘無端却告去愁思漫紛如
病中作

險攝初無術終教百病侵聊因詩遣興惟借酒寬心

志還多感迷神或至淫防微苦不早情勝自難任

憶新齋問酒和杜陵韻示景范

新齋蘿菑縣聞妾酒留瓶浮世偏多感斜陽未覺醒
園陵悲雪白親友恨雲停寂寞誰相問無心託獨醒

蘿菑同福別號
新齋嘗謫于此

晦日李秀才至男來問小學

淳熙丁未歲三月晦庵題教學言皆法心身行有稽
成人斯本領小子固階梯適值茲年朔丁寧宛宛一作擬
耳提

用張甫韻送虎兒

卧却多年病添將送別愁張騫雖達漢季札得觀周
屈曲三千里微茫數十州春風吹不盡歲月莫空流

上歸來亭開酌

把酒門巖客歸來發興時陰生松嶺早景度竹林遲
農務田疇苦柴門牛馬知蕭然樂亦在與子且吟詩

和企齋相公 孝陵挽韻

乾乾誠不息日日德惟新對越凝天命如傷子庶民
心傳睿作聖躬率孝為仁樂利思文考儀刑在蓋臣
孝陵在東宮時於 大殿誕日有 御製律詩謹
拜和之

龍飛四十載鵠立兩三年春色銀觴裏烟華玉殿前
煌煌瞻 御座穆穆侍經筵無復隨弓劍如今雪滿

顛

戊申春寓居鮎巖移臘梅一根於庭隅欲枯更
蘇春暮始開戲之

巖壑空枯槁枝疎根亦微移庭苦不發得兩晚能肥
桃李繁華後冰霜心事違猶堪伴寂寞滿眼駐春輝
和子遂

二聖捐弓劍江湖淚幾翻風侵瘦骨厲霜逼病頭繁
情感魚書遺詩驚鳥篆吞相思何日見夢想菊花尊

寄贈金尚州季珍彦琚

杜陵十六詠漫叟二詩偕跌宕三秋興悲涼萬古懷
清江隨柱下白露向天涯句句驚人語披應記湛齋

憇延德院古柳下

古柳卧

一作偃

溪岸

一作滑

形模特詭竒枝條時帶籜苔

草半粧皮側足如登棧安身勝坐椅羸形愁照水還
有小風吹

和靈川風樹堂韻

萬古臯魚哭于今稱不衰松楸長結恨桑梓幾疑思
日月蒼顏苦乾坤白髮悲先生心上事賤子病中詩

次退溪韻

死病方投紱追思吾計踈適情周夢蝶知樂我非魚
見大登山孔科盈問水徐漆雕云未信點也復何如

其二

我昔守官日沉痾非一晨始知遊宦苦未免為親貧
黽勉經旬歲摧頽作廢人歸來連死命五載鬢全銀

贈風詠亭主人

亭主金季珍為尚州牧州有樓亦名風詠

亭名偶似樓是處可淹留不禁思鄉夢仍添卧病愁
符章歸使邸詩卷別朋儔好保千金骨他年作勝遊

贈李廣文

自入芝蘭室，淡知有父兄。雲窻研魯論，聖化育周饗。
江海來兼味，溪山送一生。梅花何處發，夢斷月三更。

次開亭韻

未斷杯中物，誰憐病裏身。霜添今鬢髮，風散舊精神。
茅屋人烟捲，蓬門月色新。蕭然卧一室，或道此翁真。

梅月亭

亭在宛山館

少小來遊地，于今二十年。寒英尚未吐，皓景已虧圓。
冰雪淒清裏，星河隱暎邊。他時會相見，詩酒償前緣。

贈子膺

一點壁間燈，相看盧子膺。癡將詩作伴，狂與酒爲朋。

進學君無懶，治心我豈能。迂疎經世志，笑罷齒生冰。

謝申彥沃贈燕京酒器

珍重沉香石，傷心柚子盆。杜陵稱作聖，介甫喜能言。
邂逅燕花器，追隨魯酒尊。吟詩仍就醉，苔色與螻孫。

次申濟軸中韻

橘林名已好，書史友羣英。游刃恢餘地，冷風御太清。
江山長在眼，塵土豈關情。邂逅雲千里，春禽政勸耕。
奉贈門巖

許身期稷契，論學慕周程。落日狂歌發，名花醉眼明。
桑麻人事近，墟落鳥飛輕。綠酒關懷甚，誰回不夜城。

其二

病子猶能飲先生莫愛琴悠悠並一世藐藐幾同襟
不怕論交淺何妨勸爵深西山生暝色隨意且狂吟

贈金載清翼

乙巳年相別于今九度秋杯觴慰我病膂力羨君遊
晤語三竿日分携萬斛愁親朋幾問訊珍重此相投

次永慕堂韻

構堂名永慕朝夕想形容愴惻臨霜露漣沍感樹風
林鳥啼落日溪瀨祭寒濃瞻望懷靡及親恩天地同
贈重遠兼示茂叔

新滄秋九月潮落晚波明前歲經過地如今夢想情
黃花開太晚綠酒酌便盈千里相思苦西風木葉鳴

別送容季

二載相逢地還同桃李春銜盃歡好月摻手惜芳辰
碧草連湖外青山遶漢濱明朝鞭匹馬悵望菊花晨

環碧堂

堂在光州東築石為臺作堂其上俯臨
溪湫堂主金公允悌字恭老號沙村

帶得溪橋月行吟水上遊亂松依小麓盤石入中流
在藻魚知樂盈田稻有秋奇花明醉眼征馬立芳洲

送慶老

送子清溪上留吾綠樹陰十年湖海路千里漢江潯

且倚筆鋒勁寧嫌盞底深臨分醉不省魚鳥助長吟
瀟灑亭韻

空翠輕吹面懸流淨洗心花風香谷口雪月霽山陰
自領閒中趣何關病裏吟池塘夢已久回首變鳴禽

題瀟灑翁與子書後以示梁甥

三復君嚴府丁寧滿紙書人身多事裏天分有生初
所貴惟無忝能全實在予脫然軀殼外世累摠空虛

見寡悔書

昨見盆城面今看寡悔書心懷無遠近天月有盈虛
斷酒曾知戒逢場不願餘茅簷向落日世道復何如

與叔道夜話

高軒無月夜風裏一燈明罷酒人初散橫琴思更清
絃調鸚鵡語曲轉鳳凰鳴莫歎無鍾子須爲山水聲

贈伯鎮之子

天道惟誠也人心盍敬哉理從心上會性自道中來
不待安排著須看次第開到頭功盡處游刃見恢恢

寄金溝校長

吾祖曾經地黌堂今若何爲言衿佩列須泝孔顏波
舊識東壻柏相思北沼荷秋風心萬里念子一長歌

奉贈奇德優大有

驥子非常調生平許肺肝鄉間元不間家世本相歡
桑柘風煙合松楸雨露漫願言長勿替同社燕炎寒

至日贈別仲明還觀

一陽初發地風雨似春寒病久相逢少情多欲別難
千山猶積雪百谷幾冰灘歸去趨庭際無他報萬安

奉呈瀟灑園

瀟灑園中叟飄然出世塵千災穰一善百福併諸神
動忍天仁愛優游我德隣窮秋幸有暇不厭訪崖濱

挽慕齋金先生

安國

淵源伊洛後棠棣共垂休堯舜平生志江湖十載憂

至誠回睿眷潛德著神謀政屬安危望云何不少留

其二

湖邑旬宣日棠陰仰德聲褒名慚小友應舉忝門生
末技煩推獎斯文愛講明乾坤香一瓣悲恨激中情

其三

早稟純剛質乾坤任此身精誠通日月勳業在經綸
湖嶺回民俗華夷感德隣哲人今不淑朝野總傷神

挽養真翁

河萬里

偃仰間身世孤軒獨養真生庭多寶樹接屋盡芳隣
聖代還遺逸高標竟隱淪千年閉白日何處問音塵

挽遠期郎中

十年親面目一代照心腸子有平生志吾無時世粧
逢場齊嘯咏寓興接杯觴乍喜僑居近云何忽已亡

其二

幼承詩禮教早發顯揚資步逐長途健心從壯歲違
高堂猶未老虛室更堪悲况復傷心處當年膝下兒

其三

傾蓋情還舊周庠幾共遊中年頗異路北歲復同流
江晚愁南浦湖春醉北樓光州北樓當時離合地回想轉

悠悠

挽金典翰紀

早歲看頭角文華世習傳鵷行無出右鳳質孰爭先
故土三千里浮生四十年如何運命薄無路問蒼天

其二

迢遞江鄉遠君今何處人天涯長逝客歲暮未歸身
北闕留餘戀南州絕後塵悲涼成異世永負故山春

挽安判官

鷓山有舊業遊宦即當年玉闕初承召金門再着鞭
如何拜命日又作夢楹眠秋月鶉津上無緣更泛船

其二

青草安公後詩書屬子身高標清出世雅度遠超塵
孝友人爭仰功名志未伸傷心百年事欲說更無因

挽門巖

蚤歲看頭角中年賦鹿鳴功名塞叟馬身世楚江萍
千里優游地三春泯默情淒涼薤露曲腸斷不堪聽

其二

十載憂君切孤塊一夢驚天涯客未返山畔涕潛零
每到相忘地何堪永訣情繁雲飄遠目衰鬢益星星

其三

問學淵源正觀瞻氣象恢餘功到眾藝累世育英才

莫問平生事空留萬古哀松聲歸路迥白首病

瀟灑園主人挽

幾歲相思苦悠悠瀟灑園斯人今已矣病我復何言
白髮明垂領青山黯斷魂空餘五曲水卧想沂真源

挽竒上舍

進

種學同金友風波別恨長窮途負壯志薄宦為高堂
書史看千古榮枯撫衆芳溪山寄漫興不覺百年忙

其二

晚來名野逸幾歲賦閒情教子詩堪訓持身事可經
看雲眠白日帶雪斲黃精一入南柯夢千秋不復明

車先生 希胤 挽

湖海家鄉遠京城身世非青衫
宦味薄白髮故交稀
鳳去桐無實鸞孤鏡自輝
丹旌飛舊國薤露泣靈衣

挽孫三宰 仲暉

位居調元地年當大耋時
勞謙卑自牧好禮敬為基
國已推耆舊天何不憇遺
兼將朝野慟豈獨悼吾私

挽錦陽君吳 謙 夫人安氏

早訣終天痛生資自靜嘉
宜家桃有實配德玉無瑕
八命封君宅三刀刺史衙
母儀懷闔境闡道哭靈車
河西先生全集卷之八

